



DEO OPTIMO MAX.

UNI ET TRINO,

VIRGINI DEIPARÆ, ET S. LUCAE,

Orthodoxorum Medicorum Patrono.



QUÆSTIO MEDICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis, 18^a Novembris 1728.

M. BERNARDO DE JUSSIEU, Regiæ Scientiarum
Academiæ, Regiæque Societatis Londinensis Socio,
& in Horto Regio Botanices Prodemonstratore,
Doctore Medico, Præside.

Est-ne suis lymphæ ut sanguini propria per vasa circuitus?

I.



UMANUM corpus hydraulico-pneumaticam esse machinam non temerè affirmatur; qui imprimis in eâ oculis patent humores duo sunt, ex chylo uterque oriundus, usibus ambo maximis idonei, alimentis continuè reparabiles, per totam ubique machinam diffusi, quibus vi-tiatis illa læditur, sublatis tota ruit animalis œconomia; ille ruber, concreseibilis, salsus, antiquissimè sanguis nuncupatur; hic albicans oleoso-serofus, subdulis, lymphæ recens nomen accepit; duos inter, principatum sanguini, & Veteres & Neoterici naturæ indagatores detulêre; Primi quòd cæteros omnis generis liquores in se continere, quòd ab eo alios emanare jam viderint,

(undè, *vita in sanguine*, vetus proverbium,) Novissimi quòd illum assiduo donatuna motu cognoverint: mirabile profectò observatum, sæculis pristinis ignotum, proximè elapsi sagacitati reservatum, quo nullo magis divini fabricatoris intelligentia emicat! rubri hujusce liquoris perpetuæ ex arteriis ad venas scaturiginis, inde sinentis è venis ad arterias remeatús demonstratione famosum, cujus in rapido cursu sic liquidæ molis particulae attenuantur, ut minutissimæ repetito attritu factæ habiles per certa cola secerni, destinata sibi vasa subeant; diversas illic colorum saporum ac consentientiæ species induit, variis machinæ functionibus famulantur. Sola has inter sanguinis secretiones recenseri lymphæ ægtè fert; ferax liquor, latius in singulas corporis partes intimè diffusus, sui copiâ, usuumque præstantiâ, sanguinis nobilitatis æmulus, parem denegari sibi motum queritur; concedere quid obstat? si experimentis, si rationibus, argumentisque fortè similibus hunc sibi vendicet.

II.

RES certè obscura humani corporis fabricæ mechanismus; ingenia ab ævo exercuit; nostris nepotibus ultimis disputationum seges adhuc futura; nudam tamen interdum sibi se naturam præbere labor improbus cogit; illius etiam mysteria investigandæ modus multiplex; quæ rudiores antiquorum anatomicorum operam diu fugerunt, aut solertiori scalpello in dies cedunt, aut juvenis oculorum aciem microscopii ope deteguntur; interioris organorum structuræ juxta Mathematicorum normam disquisitionis, ad cognoscendas motus causas ducit; diversos inter liquores æquilibrium staticis hydraulicisque legibus demonstratur; tenuissimorum vasculorum aditus, ramenta, processus, ceræ coloratæ fuscæ aut subtiliorum liquorum penetrantur injectione, hæc subiecto in cadavere vitalium humorum affluxum imitatur, quem vivo in corpore inspicere & nefas & impossibile est. Ad intimam cognitionem conferunt, & generis omnis animalium anatome, & dissectarum in eis partium cum humanis analogia, minimorum cum majoribus, eorumque quibus nos præcellunt organorum cum nostris collatio. Adde humorum quos continent accuratum examen, colorem, odorem, saporem, pondus, consistentiam; adde eorumdem fluentium originem, fluxusque directionem, vel super vel subts ligatum vas probatam; & eorum principia, succorum aliorum mixturâ, luctâ, fermentatione, lotionibus & coctione explorata: nec fallax observationum ratio ex morborum symptomatis, vulnerum ulcerumque visu & curatione, nec vana sunt ex medicaminum effectibus judicia. His & talibus experimentis, indicis, disquisitionibus circularis sanguinis motus sese physicam in scenam protulit, quem Servetus & Cæsalpinus priores suspicati sunt, certum asseruit Paulus Sarpi & demonstratum adversus reoluctantes sic Harvæus acerrimè propugnavit, ut nulli nisi cæco jam dubius sit,

III.

LYMPHÆ naturam, motum, dotes noscere vis? eodem ad ejus quo ad sanguinis examen scrutinio utere; præjudicatis de eâ opinionibus amotis, ac mente ad tempus à spirituum animalium figmento jam labante liberâ, chylum è vivi dissecti animalis stomachi pyloro, humorem lacteum in lacteas venas stillantem intueri; è venis lacteis Asellii Pancreas subeuntem sequere, à Pancreate in Pequeti receptaculum collectum, hinc canalem Thoracicum petentem, ab eo partim in axillarem venam magnâ parte impulsam, partim ad cerebrum salientem, hic in corticali ac medullari substantiis, ipsâque elongatâ medullâ, exquisitor factus, procedentes ab eo nervos penetrat, è quorum extremis in crystallinum mutatus liquorem, sese in tenuissimorum vasorum quasi nodosam compagem insinuat, unde ad Thoracicum canalem omnibus ex partibus redux appellit, chylo puro interdum, sæpiùs succo intestinali adjunctus, idem assidue iter repetiturus. Lymphæ est liquor ille; etsi cursum ejus humano in cadavere scalpello prosequentem, Ariadneum filum te forsan fugeret, si anceps in vasorum labyrintho hæreret; viarum errorem, lymphaticorum cum sanguiferorum canalium analogiæ trutinâ corrige; vehentes ambos cum revehentibus, eadem combinatione dispositos observa, situna

in ambobus similem, nunc perpendicularem nunc horizontalem, parem vehentes inter ac revehentes colorum diversitatem, parem consistentiæ dissimilitudinem; sanguinem arteriæ, lympham nervi ferunt; illum venæ, hanc vasa lymphatica referunt; amborum numerus ferè idem, firmiores fibrosæ & elasticæ nervorum sicut & arteriarum membranae, venarum ac vasorum lymphaticorum laxiores ac diaphanae; turgida rubent arteriæ; livescunt venæ; albescent nervi, è crystallino perlucent vasa lymphatica. Quorsum quæso hæc tota cerebri cerebellique officina, nisi ut ad lymphæ sicut cor & pulmo ad sanguinis receptaculum & elaborationem inserviat? quæ ullam corporis particulam, pungen, unde plus minusvè lymphæ non fluat? & si nervis vehi dubitas, nervi laticis cursum forti ligaturâ cohibe; arteriis venisque sanguiferis nihilominus fluentibus pars a motu nutritione ac sensu defraudata marcescit.

IV.

HUNC lymphæ motum non sola indicant organa, arguit & petita ab usibus necelitas, illâ vivere, sentire, nutrirî, crescere, propagari hominem nihil certius: Embryonem recens formatum, nervos, membranas, ipsamet ossa Papini machinâ decoque, singula in gelatinum humorem resolves; analogo ex plantis, animalibusque succo alimur, qui merè lymphæ est; impurum ac nutritioni ineptum sanguinem, non sine causâ, lex Mosaicæ vetabat; tota lymphatica est extrema quæ oculis subest nervorum pars crystallina; opticorumque imprimis, in reticulari quorum expansione visio consistit, de auditoriis, gustatoriis, olfactoriis, palpatibus idem habeto, quibus excisis & sensationum & functionum virtus perit, voluntatisque imperio parere tendinosæ chordæ reculant; semen ipsum propagationi dicatum, non nisi lymphæ elaboratissimæ speciem exhibet, quæ verò hæc arte tot in liquores, tantis aptos usibus immutatur, nisi repetito in propriis sibi vasis tritu, nisi multiplici percolatione quæ absque circulari motu perfici nequeunt? serosa igitur crassiorque chyli portio particularum salino-sulphurearum ex alimentis eductarum mixturâ & fermentatione rubescens ac calefscens sanguiferis vasis sufficiat? hanc suam molem vehant, revehantque, ex assiduo cujus circuitu, urina, sudor, pituita eliminentur, bilis, saliva, stomachalis, Pancreaticus, intestinalisque humores secernantur; simplici naturæ mori repugnat, humorem nobili usum ministerio pretiosum, jam chylicatione defæcatum, novam sui cum sanguine mixtione colluviem repetere, rursus in eâ coinquinandum, denuò repurgandum; viâ breviori, suo per nervos & lymphatica vasa circuitu suas patietur secretiones, huic si suo motu sanguinis instar gaudere dabitur. Circuitum hunc alia mille argumenta confirmant, & cordis menyngæque virtus similis elastica fluido impellendo & in vasa protrudendo non impar, & mutua identidem sanguiferorum cum lymphaticis vasis inter se communicantium, sibi que liquorem invicem suppeditantium officia, & variæ ex alterutriusque humoris aut redundantis copiâ aut abundantioris aliena in vasa appulsu incommodorum observationes; & comparata ex frequentiori Phlebotomiâ & purgationis usu damna, & ad subitam confectio à lautioribus alimentis chylo, nervorum refocillationem attentio, ut & ab eodem vitio, aut sufflaminato vel inediâ, vel vasorum obstructionibus humore lymphatico ægritudines exortæ.

V.

INAUDITUM, ais, systema, suæque novitate suspectum? imò vetustissimum reputa; obsoletis humidi primigenii & calidi innati vocibus ac ideis olim notum ex antiquo renascens, & experimentis ac rationibus galeatum, in scenam nunc sub lymphæ ac sanguinis æquo motu donatorum personis prodians; stirpium animaliumque exordia inspicere, ut gelatinosa sunt, ut totus ferè in singulis embryo cerebrum est lymphâ plenum; ex eâ nervorum vasorumque rudimenta, prima motus organa, quasi primam curante naturâ. Hanc vitæ, sensus, motus, fecunditatis dotibus esse præditam, testatur luxurians animalium exanguium familiæ consimilis substantia; non nisi post formata ex lymphâ cordis pulmonisque organa sanguinis punctum saliens ap-

parat, non nisi explicantibus se sensim arteriis venisque humoris rubri motus augeatur, cuius ignea vi tota inflammaretur machina, nisi continuè affluentis lymphæ humiditate temperaretur. Huic si motum pertinacius recusas ob incognita tibi à canali Thoracico ad cerebrum vasa, ob denegatum illic & in nervos coloratorum liquorum injectionibus aditum; sanguinis motus veritatem difficilioribus superatis obicibus viam sibi fecisse memineris; sicut & Pequeti receptaculi ipsiusque canalis Thoracici vasa mox inventa, sic & quædam è Thoracico ad cerebrum reperiri posse, plurimos hoc in spatio lymphaticos canales, qui hoc fungantur officio existere, taliumque inventionis omen jam lymphatico-nerveis adiposisque à celebri Monspelienſi Anatomico detectis extare, nec nervos lymphæ impervios existimes, comparatâ in plantis succiferorum vasorum intus lamellatorum structurâ, quæ etsi injectionibus non pareant, circumneuntem nihilominus humorem, animali chylo ab origine analogum vehere ac revehere non ambigitur; quin & atmosphæricus aëris calor succi vegetalis in stirpibus ascensum descensumque juvans, sanguinis calorem ad lymphæ circuitum imitatur. Indociles olim se minus præstabant animi, explosâ deinceps spirituum animalium existentie ideâ, cum fictitio quorum calore haud congruit corticalis cerebri substantiæ frigiditas, etiam in vivo animali tactu observata. Sed quid istorum opus hypothesi, dum succus idem lymphaticus è cerebro in nervos fusus, è nervis in vasa lymphatica rediens, interdumque cum sanguine communicans spirituum animalium vices obit, omniaque vitæ animalis munia adimplet?

Ergo est suus lymphæ ut sanguini propria per vasa circuitus.

DOMINI DOCTORES DISPUTATURI.

M. Franciscus Mery.

*M. Ludovicus-Hyeronimus
Cofnier.*

M. Claudius Du Cerf.

*M. Joannes-Baptista Dubois,
Serenissima Principissa Dot-
ræ de Conti, Medicus.*

*M. Joannes - Ludovicus le
Thieullier.*

*M. Claudius Vergne, Pharmæ-
cia Professor.*

*M. Guillelmus - Josephus
de l'Epine.*

*M. Nicolaus le Roy de Saint
Aignan.*

*M. Jacobus-Benignus Winsow,
Regia Scientiarum Academia
Socius.*

Proponebat Parisiis RAIMUNDUS DE LA RIVIERE, Parisinus,
Baccalaureus Medicus, A. R. S. H. 1728. à sextâ ad meridiem.